

# სახლი სარსბსუღი

392 (23) 21 დეკემბერი, 2018 წ.

## საკრებულის მდივანობის აკრძალვით დაკავშირებული საკრებულოს განხილვის შედეგად ანგარიში წარმოადგინა

17 დეკემბერს გამართულ ბიუროს სხდომაზე ხარაგაულის მუნიციპალიტეტის მერმა ნიკოლოზ თოფურიძემ განუცხადებინა მუშაობის შესახებ საკრებულოს ანგარიში წარუდგინა. მომხსენებელმა იმ ინფრასტრუქტურულ, სოციალურ, კულტურულ და სამოქალაქო პროექტების შესახებ ისაუბრა, რომლებიც ბოლო პერიოდში მუნიციპალიტეტში განხორციელდა. ამასთან, განიხილა მიმდინარე სამუშაოები და 2019 წელს დაგეგმილი პროექტებიც დააანონსა. შეხვედრა კითხვა-პასუხის რეჟიმში წარიმართა და დეპუტატებს მათთვის საინტერესო კითხვებზე ამომწურავი პასუხები გაეცათ.

საფინანსო-საბიუჯეტო კომისიის თავმჯდომარე ვარლამ ჭიპაშვილი დაინტერესდა, რატომ ვერ მოხერხდა ამ დრომდე 2017 წლის ბოლოს სტიქიის სალიკვიდაციო ღონისძიებებისათვის საქართველოს მთავრობის მიერ გამოყოფილი თანხების ათვისება. მისივე თქმით, მოსახლეობა დღემდე ელოდება სოფელ ბაზალეთში დევედარიანებისა და ქვედა ნანიტაშვილების საუბნო გზების შეკეთებას. ჭიპაშვილი ა(ა) იპ-ების რეორგანიზაციის საკითხსაც შეეხო და იკითხა, თუ რა თანხები დაიზოგა და კონკრეტულად რა მიმართულებას მოხმარდა. ბაზალეთის მაჟორიტარმა დეპუტატმა ყურადღება რეგიონული განვითარების ფონდიდან დაფინანსებულ პროექტებზეც გაამახვილა და განმარტა, რომ შესრულების მიჩვენებული ძალიან დაბალია.

ნიკოლოზ თოფურიძის განცხადებით, სტიქიის სალიკვიდაციო ფონდიდან განსახორციელებელ პროექტებზე ტენდერში არაკეთილსინდისიერმა მენარმემ გაიმარჯვა და ამ დრომდე ვერ მოხერხდა ზოგიერთი სამუშაოს შესრულება. მისივე განმარტებით, ბაზალეთში შესასრულებელ სამუშაოებზე ტენდერი გამოცხადებულია და გზების შეკეთება მალე დაიწყება. თოფურიძის თქმით, პროექტები, რომელთა განხორციელებაც მიმდინარე



წელს ვერ მოხერხდება, აუცილებლად 2019 წელს დასრულდება. ხარაგაულის მერი შესყიდვების სააგენტოში ცვლილების განხორციელების აუცილებლობაზე ისაუბრობს. მისი თქმით, მოსახლეობაში არის აზრი, თითქოსდა პროექტების დაუსრულებლობა მერიაში დასაქმებულ პირთა დაუდევრობის ბრალია, რაც სიცრუეა და მსგავს ფაქტებს ადგილი რომ არ ჰქონდეს, აუცილებელია შესყიდვების სააგენტოში მოხდეს რეგულაციების შეცვლა. რაც შეეხება ა(ა) იპ-ების რეორგანიზაციიდან დაზოგილ თანხებს, ნიკოლოზ თოფურიძის განმარტებით, ამ რესურსით კინოთეატრში დაზიანებული სახურავი შეკეთდა, ასევე მოხდა ა(ა) იპ-ებში რიგი პრობლემების აღმოფხვრა. ხარაგაულის მერმა მუნიციპალური განვითარების ფონდში წარდგენილ პროექტებზეც ისაუბრა და აღნიშნა, რომ იგეგმება ღორეშა-ბაზალეთის დამაკავშირებელი გზისა და კიციხის სკოლის რეაბილიტაცია, ვერტყვიჭალასა და სალანძხილში საბავშვო ბაღების მშენებლობა და ასევე ნადაბურის ხიდის შეკეთება. „ღორეშა - ბაზალეთის დამაკავშირებელი გზა ამ დრომდე უნდა დასრულებულიყო, მაგრამ პროექტი იყო უხარისხოდ შედგენილი და ამის გამო ტენდერში გამარჯვებულმა ორივე კომპანიამ სამუშაოები მიატოვა. აქედან გამომდინარე, მოვითხოვეთ პროექტის კორექტირება და, როგორც ჩემთვის ცნობილია, ახალი წლის დასაწყისში სარეაბილიტაციო

სამუშაოებზე ტენდერი გამოცხადდება,“ - განაცხადა ხარაგაულის მერმა.

ფრაქცია „თვითმმართველობა ხალხისთვის“ თავმჯდომარემ, ინგა მალრაძემ, ღია ესტრადაზე ისაუბრა და დაინტერესდა, თუ რატომ ვერ მოხერხდა ამ დრომდე პასუხისმგებელი პირების დასჯა.

ნიკოლოზ თოფურიძის თქმით, ამფითეატრთან დაკავშირებით ლევან სამხარაულის სახელობის სასამართლო ექსპერტიზის ეროვნული ბიუროს მიერ დაიდო დასკვნა, რომ შენობა ექსპლუატაციისთვის უფარგისია და ამიტომ უნდა მოხდეს ობიექტის დემონტაჟი და ახლის აშენება.

დეპუტატებმა სოფლებში წყლის პრობლემებზეც გაამახვილეს ყურადღება და იკითხეს თუ რა გეგმა აქვს მერიას ამ პრობლემის მოსაგვარებლად.

ნიკოლოზ თოფურიძის ინფორმაციით, 2019 წელი მერიამ წყლის წლად გამოაცხადა, ამისთვის ბიუჯეტში თანხებიც განისაზღვრა, მოლაპარაკებები დაწყებულია ასევე არტეზიული წყლის მოწყობასთან დაკავშირებით. მისივე განცხადებით, მოხდა სოფლის მხარდაჭერის პროგრამის აღდგენაც, რაც ძალიან ბევრ სიკეთეს შეჰმატებს სოფლებს.

ფრაქცია „ქართული-ოცნება მრეწველების“ თავმჯდომარემ იუზა (ვალოდა) კელენჯერიძემ „საპატიო ხარაგაულის“ სტატუსის მინიჭებასთან დაკავშირებით ისაუბრა. მისივე განცხადებით, საპატიო ხარაგაულის ნოდება 2014-2015 წწ. ცამეტ პიროვნებას მიენიჭა და კარგი იქნება, თუ ეს ტრადიცია აღდგება.

ხარაგაულის მერმა ბატონ იუზა (ვალოდა) კელენჯერიძეს მხარდაჭერა გამოუცხადა და დასძინა, რომ მომავალ წელს ეს პროექტი აუცილებლად აღდგება.

მერიის ანგარიშს დეპუტატები დეტალურად 2019 წლის 8 იანვარს გამართულ საკრებულოს მორიგ სხდომაზე განიხილავენ.

## 2019 წლის ბიუჯეტის დამტკიცება

14 დეკემბერს გამართულ საკრებულოს რიგგარეშე სხდომაზე 2019 წლის ბიუჯეტი დამტკიცდა. აღსანიშნავია, რომ მომავალი წლის ბიუჯეტი 7 625 800 ლარით განისაზღვრა, რაც მიმდინარე წელთან შედარებით 736 400 ლარით მეტია. დეპუტატებმა ერთხმად აღნიშნეს, რომ ახალი წლის ბიუჯეტი წინა წელთან შედარებით გაუმჯობესებულია, თუმცა სრულად პროგრამული არ არის.

კომისიის სახელით 2019 წლის ბიუჯეტი დადებითად შეაფასა საფინანსო-საბიუჯეტო კომისიის თავმჯდომარე ვარლამ ჭიპაშვილმა და იმ შენიშვნებზე ისაუბრა, რომლებიც მერიამ ფაქტუალისწინა.

„დადებითი ფაქტია, რომ მრავალბინიანი სახლების გადახურვისათვის გამოიყოფილი 100 000 ლარი. 2019 წლის ბიუჯეტში ასახულია ასევე ახალგაზრდული ბანაკის დაფინანსება, რომელიც მიმდინარე წელს ვერ მოხერხდა. აღსანიშნავია ისიც, რომ სოციალური მიმართულებით თანხები გაიზარდა. გაიზარდა ასევე საზოგადოებრივი ტრანსპორტის ხარჯიც. კვლავ გაგრძელდება უსინათლოთა ბრაილის შრიფტით სწავლება. მოხდება პირველი საბავშვო ბაღის გაზიფიცირება, რომელიც წლებია, პრობლემაა. აქვე უნდა აღინიშნოს, რომ საკმაოდ სოლიდური თანხები გამოყოფილი ინფრასტრუქტურული პროექტების მიმართულებით. სასმელი წყლის მოსაწვდომად 80 000 ლარი დაიხარჯება, ხიდ-ბოგირების შეკეთებისათვის - 40000 ლარი. ბიუჯეტი ძირითადად ორიენტირებულია სოციალურ ინფრასტრუქტურულ, განათლებისა და კულტურის სფეროებზე. ვფიქრობ, სხვა მიმართულებებზე უნდა იყოს ჩვენთვის პრიორიტეტი. აუცილებელია ქმედითი ნაბიჯები გადაიდგას სოფლის მეურნეობის კუთხით. რა თქმა უნდა, ჩვენ ამაზეც გვექონდა მოთხოვნა, მაგრამ ამ ეტაპზე აღნიშნული რეკომენდაციის გათვალისწინება ვერ მოხერხდა. როგორც მერიიდან განგვიმარტეს, ცენტრალური ხელისუფლება სოფლის მეურნეობის მხრივ არაერთ მნიშვნელოვან პროგრამას ახორციელებს და, აქედან გამომდინარე, თუკი იქნება მოქალაქეებიდან კონკრეტული მოთხოვნები, 10 000 ლარი, რომელიც ამ სფეროშია გათვალისწინებული, კვლავ გაიზარდება.“ - განმარტა ვარლამ ჭიპაშვილმა.

„ქართული ოცნება-კონსერვატორების“ თავმჯდომარე გივი თავზარაშვილი მიიჩნევს, რომ აუცილებელია ბიუჯეტის 2% სოფლის მეურნეობის განვითარებისთვის დაიხარჯოს. მან აღნიშნულ მუხლში 10 ათასი ლარის განსაზღვრა არასაკმარისად მიიჩნია და პროტესტის ნიშნად სხდომათა დარბაზი დატოვა. მისივე განცხადებით, ვიდრე კორექტირება არ მოხდება და ამ მუხლში თანხები არ გაიზრდება, ის ბიუჯეტს მხარს ვერ დაუჭერს.

ფრაქციის სახელით, 2019 წლის ბიუჯეტს მხარდაჭერა გამოუცხადა ფრაქცია „ქართული ოცნება-დემოკრატიული საქართველოს“ თავმჯდომარემ, პაატა გოგოლაძემ. მისივე თქმით, ასეთი ბიუჯეტი ბოლო წლების განმავლობაში მუნიციპალიტეტს არ ჰქონია, მაგრამ ბატონი პაატაც მიიჩნევს, რომ ვინაიდან ხარაგაული აგრარული მუნიციპალიტეტია, სოფლის მეურნეობის განვითარებას მეტი ხელშეწყობა სჭირდება.

სხდომას ესწრებოდა ხარაგაულის მუნიციპალიტეტის მერი ნიკოლოზ თოფურიძე, რომელმაც განმარტა, რომ სოფლის მეურნეობის განვითარებისთვის სახელმწიფო ეფექტურ პროექტებს ახორციელებს, რომლითაც ნებისმიერ დაინტერესებულ ადამიანს შეუძლია, ისარგებლოს. მერი ხაზგასმით აღნიშნავს, რომ მიმდინარე წელს, ამ კუთხით კონკრეტული პროგრამის დაფინანსების მიზნით, მერიისთვის არავის მოუმართავს და თუ ასეთს ექნება ადგილი, თანხები აუცილებლად გაიზრდება.

როგორც ფრაქცია „თვითმმართველობა ხალხისთვის“ თავმჯდომარე ინგა მალრაძე აცხადებს, მომავალი წლის ბიუჯეტი მცირედიტ გაუმჯობესებულია და 12 თვეზეა განწერილი. თუმცა მალრაძეს აქვს რიგი შენიშვნები. მისი თქმით, ბიუჯეტი პროგრამული არაა და ამ კუთხით კვალიფიკაციის ამაღლება აუცილებელია. ფრაქცია „თვითმმართველობა ხალხისთვის“ თავმჯდომარეს მიზანშეწონილად არ მიაჩნია დაბის საბავშვო ბაღში თანამშრომელთა ხელფასების 6%-იანი ზრდა, იგი მიიჩნევს, რომ თანაბრობის პრინციპი დაირღვევა და უპრიანი იქნება, თუკი ამ თანხებით იქ არსებული მდგომარეობა გაუმჯობესდება, მაგალითად მოხდება სათამაშოების განახლება და მარეღისში მზაობის ჯგუფის პირობების შეცვლა. ინგა მალრაძე ასევე მართებულად მიიჩნევს, ბექდვითი მომსა-



ხურებისა და ა(ა) იპ „სათნობის სახლის“ მომსახურების ტენდერზე გატანას. მისივე განმარტებით, ასეთ შემთხვევაში თანხები დაიზოგება და ხარისხი გაუმჯობესდება.

2019 წლის ბიუჯეტის პროექტს მხარი არ დაუჭირა „პატრიოტთა ალიანსის“ წარმომადგენელმა თემურ ფცქიალაძემ. მიზეზად კი ის ფაქტი დაასახელა, რომ სოციალური მიმართულებით გათვალისწინებული უნდა იყოს 800 000 ლარი. „ცენტრალური ხელისუფლებიდან დაფინანსების ეს ფორმა უკეთესია, ვიდრე იყო, მაგრამ სახელმწიფო ბიუჯეტში ხარაგაულიდან დამატებითი ღირებულებების გადასახადიდან, დაახლოებით, ნახევარი მილიარდი ლარი შედის, ჩვენ კი 5 მილიონს გვაძლევენ. ამიტომ მერიამ და საკრებულომ ამ საკითხზე უნდა იმუშაოს და მუნიციპალიტეტის ბიუჯეტი კიდევ უნდა გაიზარდოს.“ - აღნიშნა თემურ ფცქიალაძემ.

ვიდრე 2019 წლის ბიუჯეტს დეპუტატები კენჭს უყრიდნენ, ვარლამ ჭიპაშვილმა მერს კონკრეტული კითხვით მიმართა, თუ რას ფიქრობს ის ა(ა) იპ „სათნობის სახლისა“ და ბექდვითი მომსახურების ტენდერის გზით შესყიდვაზე.

როგორც ნიკოლოზ თოფურიძემ განაცხადა, ეს მიმართულებები სიჩქარეს არ საჭიროებს, რადგან მეზობელი მუნიციპალიტეტების მაგალითზე მომსახურების გასხვისებამ შედეგი ვერ გამოიღო და, პირიქით, პრობლემები შეიქმნა. ხარაგაულის მერს ასევე მიზანშეწონილად მიაჩნია ისეთი ბექდვითი მედიის არსებობა, რომელიც მუნიციპალიტეტში მიმდინარე მოვლენებს აშუქებს და მოსახლეობაში უფასოდ ვრცელდება.

საბოლოოდ დეპუტატთა უმრავლესობამ 2019 წლის ბიუჯეტს მხარი დაუჭირა.

გვერდი მოაგზავნა ქაა შავიქაა

### სოციალურად დაუცველ მოქალაქეებზე მრუნვა ჩვენი ხელისუფლების მთავარი პრიორიტეტი

ნიფის ადმინისტრაციულ ერთეულში შემავალი სოფლები: გოლათუბანი, ნიფა, ფონა და გუდათუბანი მაღალმთიანი სოფლების სტატუსს ატარებს. აქ მცხოვრები მოქალაქენი - მრავალშვილიანი დედა, ექიმი, პენსიონერი და მენარმე - სხვადასხვა შეღავათით სარგებლობენ. ეს შეღავათები უმნიშვნელოვანესია ადგილზე მოსახლეობის დამაგრებისათვის. პროგრამის წარმატებით განხორციელებამ ნიფის ადმინისტრაციულ ერთეულში არაერთი ოჯახი დააბრუნა სოფლად. გარდა ამ შეღავათებისა, ინტენსიურად ხორციელდება ინფრასტრუქტურული პროექტები. ადგილობრივი მოსახლეობა სიხარულით ელოდება ძირულა-ფონა-ჩუმათელეთის გზის რეაბილიტაციას, რაც კიდევ უფრო მეტად შეუწყობს ხელს სოფლის განვითარებას.

გასული წლის ნოემბრიდან ნიფის ადმინისტრაციულ ერთეულში მერის წარმომადგენლის მოვალეობას შორენა ჭყოიძე ასრულებს, რომელიც თავად გვესაუბრება სოფლებში არსებულ პრობლემებსა და ბოლო პერიოდში შესრულებულ ინფრასტრუქტურულ პროექტებზე.

ერთი წელია, რაც ნიფის ადმინისტრაციულ ერთეულში მერის წარმომადგენლის მოვალეობას ვასრულებ. 2012 წლიდან ამ ადმინისტრაციულ ერთეულს ქალბატონი მაია გაჩეჩილაძე ხელმძღვანელობდა და სწორედ ამ პერიოდში გაკეთდა ბევრი სასიკეთო საქმე და გრძელდება დღესაც. ბეტონის საფარი დაიგო სოფლების ცენტრალურ გზებზე, რომლებიც იმდენად იყო დაზიანებული, რომ მოქალაქეებს გადაადგილება უჭირდათ. პრობლემა მოსახლეობისთვის სასმელი წყლის მიწოდება. წყლის მიღები და სათავე-ნაგებობები გაკეთდა სოფელ გოლათუბანში, მაგრამ არიან ოჯახები, სადაც მიღების შეუძლებლობა და მოსახლეობა უკმაყოფილებას გამოთქვამს. სასმელი წყლის სისტემა მოწყობა ფონაში, თუმცა ეს საკმარისი ნამდვილად არაა ამ თემის მოსახლეობისთვის. აღნიშნულთან დაკავშირებით ადგილობრივი ხელისუფლება ინფორმირებულია და მივიღებ დაპირებას, რომ უახლოეს პერიოდში ნიფის ადმინისტრაციულ ერთეულში წყლის პრობლემა მოწყობილი იქნება.

აღსანიშნავია, რომ ნიფასა და გოლათუბანში



აშენდა სარიტუალო დარბაზები, ასევე -სკოლამდელი აღზრდის დაწესებულება, რომელიც თანამედროვე სტანდარტებს სრულად აკმაყოფილებს. ადგილობრივი ხელისუფლება მუდმივად ეხმარება დაზარალებულ მოქალაქეებს. სტიქიის დროს მიღებული ზარალის ასანაზღაურებლად ეძლევათ ფულადი დახმარება, ხდება საცხოვრებელი სახლების გადახურვა. სოფელ ფონაში მცხოვრებ მარტოხელა პიროვნებას, რომელსაც არ ჰქონდა სახლი, ადგილობრივი ხელისუფლების დახმარებით ბინა აუშენეს. გაჭირვებულ და სოციალურად დაუცველ მოქალაქეებზე მრუნვა ჩვენი ხელისუფლების მთავარი პრიორიტეტი. რა თქმა უნდა, ბოლო წლების განმავლობაში ბევრი რამ გაკეთდა მოსახლეობისათვის, მაგრამ გასაკეთებელი მაინც მრავლადაა. ჩვენი მთავარი მიზანია ესაა - რაც შეიძლება ნაკლები

პრობლემა ჰქონდეს მოსახლეობას. ძალ-ღონეს არ ვიშურებთ, რომ ადამიანებს უკეთეს პირობებში უწყედით ცხოვრება.

- რა არის უმთავრესი პრობლემა, რაც ნიფაში მოსახლეობას აწუხებს?

- გამომდინარე იქიდან, რომ აქ სოფლები მაღალმთიანის სტატუსს ატარებს და ბევრი შეღავათითაც სარგებლობს მოსახლეობა, უმთავრეს პრობლემად მაინც უმუშევრობა რჩება. სოციალური დახმარების მოხსნის გამო მოქალაქეები განაწყენებული არიან, თუმცა ცვდილობთ, უკიდურესად გაჭირვებულ ოჯახებს შეძლებისდაგვარად გაუწიოთ დახმარება. ცენტრალური ხელისუფლება სოციალური მდგომარეობის გაუმჯობესებისათვის ძალიან ქმედით ნაბიჯებს დგამს. ამ მიმართულებით ბევრი სიახლეა. პირველი იანვრიდან სოციალურად დაუცველი ოჯახები, სადაც 16 წლამდე ბავშვები ცხოვრობენ, 50 -ლარიან დანამატს მიიღებენ. ეს ინიციატივა გააუმჯობესებს მათს მდგომარეობას.

- რა სიახლეებია დაგეგმილი სამომავლოდ ნიფის ადმინისტრაციულ ერთეულში და რა სიკეთებს ჰპირდებით მოსახლეობას?

- მომავალ წელს ნიფის ადმინისტრაციულ ერთეულში სხვერის, ტუბიკისა და სადგურის უბნების გზის რეაბილიტაციაა დაგეგმილი. ბეტონის საფარი დაიგება გზის 1,714 მ სიგრძის მონაკვეთზე. იგეგმება წყლის სისტემის მოწესრიგება და სოფლებში დაზიანებული ხიდ-ბოგირების შეკეთება. უკვე გამოცხადდა ტენდერი. დიდი სიხარულით ველოდებით ძირულა-მოლითი-ფონა-ჩუმათელეთის გზის რეაბილიტაციას, რაც ბევრ სიკეთეს შემოიტანს ჩვენს სოფლებში.

ჩვენ მუდმივად ვხვდებით მოსახლეობას და ვუსმენთ მათ. პრიორიტეტებს სწორედ ამის მიხედვით ვადგენთ. მინდა, მაგლობა გადავუხადო თითოეულ მოქალაქეს, ყველა იმ ადამიანს, რომლებმაც დიდი სიყვარულით მიმიღეს და გვერდით დამიდგნენ. საკმაოდ რთულია ასეთი თემის ხელმძღვანელობა, მაგრამ მათი სიყვარული მაძლევს ძალას, ვიბრძოლო უკეთესი ხვალისნდელი დღისათვის.

ლელა ბუბულაშვილი

### სოფლის სოციალური ლონისკიბაჯის მსოფლიო სარგავული 80 000 ლარი დაიხარჯა

17 დეკემბერს გამართულ ბიუროს სხდომაზე დეპუტატებმა მორიგი საბიუჯეტო ცვლილება განიხილეს. საკითხის შესახებ საფინანსო - საბიუჯეტო სამსახურის უფროსმა ვლადიმერ გელაშვილმა ისაუბრა. როგორც მომხსენებელი განმარტავს მიმდინარე წლის დეკემბრის თვეში სტიქიის შედეგად მიყენებული ზიანის აღსადგენად ხარაგაულის მუნიციპალიტეტს საქართველოს ფინანსთა სამინისტრომ 60 000 ლარი გამოუყო.

გელაშვილის ინფორმაციით, 2018 წლის ბიუჯეტი შემოსულობების ნაწილში 13 643,5 ათასი ლარით განისაზღვრა, რეგიონებში განსახორციელებული პროექტების ფონდიდან გამოყოფილი ტრანსფერი 6364,2 ათასი ლარით, ხოლო გადასახადების ნაწილში 18362,7 ათასი ლარით. რაც შეეხება სტიქიით დაზარალებული ოჯახების საცხოვრებელი უზრუნველყოფის ხარჯებს - 125,2 ათას ლარს შეადგენს.

ამავე ბიუროს სხდომაზე მერიამ მოსაწონებლად 2019 წელს რეგიონული განვითარების ფონდიდან დასაფინანსებელ პროექტთა ნუსხა წარმოადგინა. ინფრასტრუქტურისა და კეთილმოწყობის სამსახურის უფროსის თემური თაბუკაშვილის, ინფორმაციით, მომავალ წელს მერია 36 პროექტის განხორციელებას აპირებს. თუ რომელი პროექტების დაფინანსება იგეგმება, ამის შესახებ ცნობილი უახლოეს მომავალში გახდება.

### ხარაგაულის სოფლებში წყლის სისტემის მოწყობისათვის 80 000 ლარი დაიხარჯა

ხარაგაულის მუნიციპალიტეტის სოფელ კიცხში, მდინარაძეების უბანში, სასმელი წყლის მაგისტრალის მოწყობის სამუშაოები მიმდინარეობს.

ადგილობრივი ბიუჯეტის დაფინანსებითა და მოსახლეობის ჩართულობით მიღების გაყვანის შემდეგ სასმელი წყალი 29 ოჯახს მიეწოდება. გარდა ამისა, წყლის მიწოდება მოხდა გიორგაძეების უბანში და კიცხის საბავშვო ბაღში.

ხარაგაულის მუნიციპალიტეტის მერი, ნიკოლოზ თოფურაძე, შესრულებულ სამუშაოებს ადგილზე გაეცნო და აღნიშნა, რომ ეს პროექტი განსაკუთრებით მნიშვნელოვანი იყო საბავშვო ბაღისთვის. მისივე ინფორმაციით, სასმელი წყლის მაგისტრალის რეაბილიტაციისთვის რეზერვუარი და წყლის მიღები ადგილობრივი ბიუჯეტიდან შეიძინეს. აღსანიშნავია, რომ 2019 წელი მერიამ წყლის წლად გამოაცხადა და პროექტი „წყალი ყველა



სოფელს“ უკვე აქტიურ ფაზაშია. ნიკოლოზ თოფურაძის განცხადებით, სასმელი წყლის პრობლემა ყველა სოფელში უნდა მოგვარდეს. აქვე აღსანიშნავია, რომ 2019

წლის ბიუჯეტში ხარაგაულის მუნიციპალიტეტის სოფლებში წყლის სისტემის მოწყობისათვის 80 000 ლარია გათვალისწინებული.

### საკრედიტო სერვისზე საბიუჯეტო ცვლილების შესახებ იხსენიება

14 დეკემბერს გამართულ საკრედიტო რიგგარეშე სხდომაზე დეპუტატებმა საბიუჯეტო ცვლილება განიხილეს. საკითხი მათ გამგეობის საფინანსო-საბიუჯეტო სამსახურის უფროსმა ვლადიმერ გელაშვილმა გააცნო. როგორც მომხსენებელმა განმარტა, 2018 წელს აღებული საბიუჯეტო ვალდებულებების შესასრულებლად მუნიციპალიტეტს დამატებით 145,6 ათასი ლარი ესაჭიროება. კერძოდ, 35,6 ათასი ლარი მიმართა საკრედიტოში დეკემბრისთვის შრომის ანაზღაურების

ათვის; 80,0 ათასი ლარი - ა(ა)იპ სკოლამდელ დაწესებულებათა გაერთიანების დეკემბრისთვის ხელფასებისა და სხვა გადაუდებელი ხარჯებისათვის. 30,0 ათასი ლარი მუნიციპალიტეტში მცხოვრები მოქალაქეების სამედიცინო, ფინანსური და სხვადასხვა სახის დახმარებისათვის. ვლადიმერ გელაშვილის თქმით, დამატებითი ხარჯების დაფარვის წყაროდ გამოყენებულ იქნა ჯარიმებიდან მიღებული დამატებითი შემოსავლები -69,6 ათასი ლარი, ასევე 2018 წლის პირველი იანვრისათვის

არსებული თავისუფალი საბიუჯეტო სახსრების ნაშთი 20,0 ათასი ლარი, სარეზერვო ფონდიდან 25,0 ათასი ლარი, მოსახლეობის საზოგადოებრივი ტრანსპორტით უზრუნველყოფის ხარჯებიდან 6,0 ათასი ლარი, სოფლის მეურნეობის დაფინანსების პროგრამიდან 10,0 ათასი ლარი, სოციალური დაცვისა და უზრუნველყოფის ობიექტების რეაბილიტაცია და ინვენტარის შეძენის პროგრამიდან 10,0 ათასი ლარი და ახალშობილთა ოჯახების დახმარების პროგრამიდან 5,0 ათასი ლარი.

გარდა ამისა, დელეგირებული უფლებამოსილების განსახორციელებელი პროგრამების ფარგლებში განხორციელდა ცვლილება და ვეტერანთა და ლტოლვილთა დაკრძალვის ხარჯებში აუთვისებელი 1,5 ათასი ლარი გადატანილ იქნა თავდაცვის ხარჯებში; სპორტული ღონისძიებების დაფინანსების ხარჯებიდან 5,0 ათასი ლარი მიმართა ახალგაზრდულ პროგრამებში სახალწლო ღონისძიებებისათვის. წარმოდგენილ საბიუჯეტო ცვლილებას დეპუტატებმა მხარი დაუჭირეს.

# ხარკაულის მუნიციპალიტეტის საკრებულოს თავმჯდომარის ანგარიში დეპუტატებმა დადებითად შეაფასეს

14 დეკემბერს გამართულ საკრებულოს რიგგარეშე სხდომაზე დეპუტატებმა საკრებულოს თავმჯდომარის, მანანა ბარბაქაძის, მიერ გაწეული მუშაობის შესახებ ანგარიში მოისმინეს. ქალბატონმა მანანამ ვრცლად ისაუბრა იმ სახელებისა და აქტივობების შესახებ, რომლებიც მისი მმართველობის პერიოდში განხორციელდა. დეპუტატებმა ერთხმად აღნიშნეს, რომ ხარკაულის მუნიციპალიტეტის საკრებულოს თავმჯდომარე ძალიან აქტიური ქალბატონია და მისი მუშაობა უმრავლესობამ დადებითად შეაფასა. გადავარობთ ანგარიშის სრულ ვერსიას.

2017 წლის 20 ნოემბრიდან, ანუ ახალი მონვევის საკრებულოს უფლებამოსილების ცნობიდან, დღემდე, ჩატარდა საკრებულოს 20 სხდომა. სხდომებზე მიღებულ იქნა 84 განკარგულება, დამტკიცდა 49 დადგენილება, ხოლო ჩემ მიერ, როგორც საკრებულოს თავმჯდომარის, გამოცემულ იქნა 208 ბრძანება. სხენებული განკარგულებებისა და დადგენილებების განხილვაში, რომლებიც მიღებულია მუნიციპალიტეტის სოციალურ-ეკონომიკური განვითარებისა და თვითმართვლობის განხორციელების მთელ რიგ საკითხებზე, უშუალოდ მქვეს მონაწილეობა მიღებული და ყველა ზემოაღნიშნული სამართლებრივი აქტი სრულად ასახავს და შეესაბამება მოსახლეობის ინტერესებს. ყოველთვის წინააღმდეგ ვარ ბიუჯეტის თანხების არამიზნობრივი ხარჯების განხილვა. პირადად ჩემი ინიციატივით, შემცირდა საკრებულოს თავმჯდომარის წარმომადგენლობითი ხარჯები, მინიმუმამდე იქნა დაყვანილი საკრებულოს რემონტისა და საოფისე ხარჯები. დღეის მდგომარეობით, წარმომადგენლობითი ხარჯიდან, რომელიც შეადგენს 6000 ლარს, გახარჯულია მხოლოდ 1500 ლარი. გარდა საკრებულოსა და ბიუროს სხდომების დაგეგმვისა და წარმართვისა, ხელმძღვანელობას ვუწევს საკრებულოს აპარატისა და საკრებულოს თანამდებობის პირთა საქმიანობას. საკრებულოს ორგანიზაციულ-ტექნიკურ დახმარებას უწევს საკრებულოს აპარატი, სადაც 6 შტაბით და 5 შრომითი ხელშეკრულებით დასაქმებული პერსონალია. საკრებულოში შემოსული ყველა წერილობითი დოკუმენტი, მათ შორის, მოქალაქეთა განცხადებები, მომართვები მუნიციპალიტეტის მერიიდან და სხვადასხვა ორგანიზაციიდან, რეაგირებულია კანონით დადგენილ ვადებში. განსაკუთრებული ყურადღება ექცევა მოქალაქეთა განცხადებებში დასმული საკითხების შესწავლას. საკრებულოს აპარატი ასევე განსაკუთრებული ყურადღებით ეკიდება დოკუმენტაციის აღრიცხვის, რეგისტრაციისა და ადრესატამდე მიტანის საქმეს. აღსანიშნავია ის ფაქტიც, რომ საკრებულოდან მოთხოვნილი საჯარო ინფორმაციები გაცემულია კანონით დადგენილ ვადაში და მათს გაცემაზე უარის თქმის ფაქტი დღემდე არ დაფიქსირებულა. მე ყოველდღიურ რეჟიმში მზად ვარ, მივიღო მოქალაქეები, ასევე კანონმდებლობით დადგენილი წესით პერიოდულად ვხვდები ამომრჩევლებს და ვეცნობი მათ პრობლემებსა და საჭიროებებს. ასევე მინდა, შევეხო ადგილობრივი თვითმართვლობის განხორციელებაში მოსახლეობის ჩართულობის საკითხს. ყოველთვის მხარს ვუჭერ და მივესალმები, ადგილობრივი მნიშვნელობის საკითხების განწყვეტაში, რაც შეიძლება, მეტმა მოქალაქემ მიიღოს მონაწილეობა, რაც თვითმმართველობის განვითარების ერთ-ერთი წინაპირობაა. მოსახლეობისაგან წამოსული ინტერესების მხარდაჭერის მექანიზმი მაგალითია თუნდაც ის ფაქტი, რომ გასული წლის მაისის თვეში (მაშინაც საკრებულოს თავმჯდომარე გახლდით), სოფელ ღორეშის



დასახლების საერთო კრების გადწყვეტილებით, მოსახლეობამ მუნიციპალიტეტის საკრებულოს მომართა პეტიციით, რომელიც შეეხებოდა სოფელში, ე.წ კვადოურას უბნის, სასაფლაომდე მისასვლელი 150მ. მონაკვეთის გზის რეაბილიტაციისა და სასაფლაოს შემოღობვის საკითხის განხილვის მოთხოვნას. აღნიშნული მოთხოვნა ჩემი და ჩემი კოლეგების ძალისხმევით დადებითად იქნა გადაწყვეტილი. სასურველი იქნება და პირადად ხელს შევწყობ, თუ მოსახლეობის მხრიდან საკუთარი ინიციატივით გადაწყვეტილებების მიღების სტატისტიკური მაჩვენებლები გაიზრდება. ჩემს მუშაობაში ასევე მნიშვნელოვანია მუნიციპალიტეტის აღმასრულებელ ორგანოებთან ურთიერთობის საკითხი. საკრებულო, როგორც თვითმართვლობის პოლიტიკის განმსაზღვრელი და მაკონტროლებელი ორგანო, პერიოდულად ახორციელებს მერიის სამსახურების ანგარიშების მოსმენას, მათს განხილვასა და შეფასებას. ჩვენ განსაკუთრებული ყურადღებითა და პასუხისმგებლობით ვეკიდებოდით მუნიციპალიტეტის მთავარი ფინანსური დოკუმენტის - ბიუჯეტის პროექტის - განხილვასა და დამტკიცებას. ასევე დამტკიცებულ ბიუჯეტში ცვლილებების შეტანას და მისი შესრულების კონტროლს. ამ მხრივ აღსანიშნავია ის ფაქტი, რომ საკრებულოს წევრთა უმრავლესობამ, საკრებულოს საფინანსო-საბიუჯეტო კომისიის დასკვნისა და მოსახლეობის საერთო ინტერესების გათვალისწინებით, მხარი არ დაუჭირა მერიის მიერ ბიუჯეტში ცვლილების შესატანად წარმოდგენილ პროექტს, მოქალაქეებზე ერთჯერადი ფინანსური დახმარების ქვეპროგრამის გაუქმებისა და სხვადასხვა სოციალური შეღავათებისათვის დაწესებული მაქსიმალური ზღვარის შემცირების შესახებ. ასევე ჩემი ძალისხმევით საკითხის შესწავლის ანალიზის საფუძველზე მოხდა უსინათლო პირთათვის ბრაილის შრიფტის სწავლების პროექტის დაფინანსების განხორციელება. ჩემივე ძალისხმევით გაუგრძელდა დაფინანსება მუნიციპალიტეტში არსებულ ანსამბლებს „კახორას“ და „ოდილას“. აღმასრულებელი ორგანოს მხრიდან პრობლემებია მთავრობის მიერ მუნიციპალიტეტისათვის გამოყოფილი ინფრასტრუქტურული ხარჯების ათვისებასთან დაკავშირებით. კერძოდ, მიმდინარე წელს რეგიონული განვითარების ფონდიდან აღნიშნული მიზნით გამოყოფილი 6304212 ლარიდან საკასო ათვისება შეადგენს მხოლოდ 2983000 ლარს, მისი განვითარების ფონდიდან გამოიყო 320310 ლარი, ათვისებულია 61700 ლარი, ხოლო 2018 წელს სტიქიის სალიკვიდაციო ღონისძიებების დასაფინანსებლად გათვალისწინებული 2222300 ლარიდან, დღეის მდგომარეობით, ათვისებულია 912000 ლარი. ამ კუთხით შესრულების მაჩვენებლების ზრდა კვლავ არ შეიმჩნევა. საკრებულომ განიხილა და დამტკიცა

რეგიონული განვითარების პროგრამის ფარგლებში განსახორციელებელი საპროექტო წინადადებების ნუსხა. საკრებულომ, რა თქმა უნდა, მხარი დაუჭირა ამ პროექტების განხორციელებას, ვინაიდან ყველა მათგანი მნიშვნელოვანია ჩვენი მუნიციპალიტეტისათვის, მაგრამ მერიამ პროექტებთან დაკავშირებით არ დაიცვა ობიექტურობისა და თანაბრობის პრინციპი, არ გაიზიარა ჩემი და საკრებულოს წევრების წინადადებები იმის თაობაზე, რომ ინფრასტრუქტურული პროექტები თანაბრად განხორციელდებოდა ყველა ადმინისტრაციულ ერთეულში. საკრებულოს თანხმობით, მერიამ განახორციელა ა(ა)ი უბნის რეორგანიზაცია, რომლის შედეგადაც მათ მიერ გაკეთებული განგარიშებით, რომელიც წერილობით სახით მოაწოდეს საკრებულოს, უნდა მომხდარიყო, დაახლოებით, 200 000 ლარის საბიუჯეტო თანხების დაზოგვა, რაც დღემდე არ განხორციელებულა და მერიის უფლებამოსილი პირები რაიმე პროგნოზს ვერ გეთავაზობენ ხსენებული თანხების დაზოგვასთან დაკავშირებით. რაც შეეხება მუნიციპალიტეტის ქონების მართვასთან დაკავშირებულ საკითხებს, საკრებულოს წევრებმა არაერთხელ მოუწოდებდნენ და დავუსვით საკითხი მერიას მუნიციპალიტეტის იმ ქონების აღრიცხვისა და განკარგვის თაობაზე, რომლებიც მუნიციპალიტეტი არ სარგებლობს ან საერთოდ უფუნქციოდაა დარჩენილი, რათა მოხდეს მათი იჯარით გაცემა ან პრივატიზება, რომელიც მუნიციპალიტეტის ბიუჯეტს მოუტანს დამატებით შემოსავალს. ამ მხრივ პრობლემები კვლავ მოუწესრიგებელია. მერიის მუშაობის უარყოფით მხარეზე მეტყველებს აგრეთვე დაბა ხარკაულში მდებარე ე. წ ღია ესტრადის მოვლის საკითხი, რომლის რეაბილიტაცია საკმაოდ სოლიდური თანხები დაჯდა და დღეს მოუწელობისა და უმეტეად უყურებობის გამო დღით დღე ზიანდება. აღსანიშნავია ის ფაქტიც, რომ ორ წელზე მეტია, ხარკაულის მუნიციპალიტეტის საპატიო მოქალაქის ტიტული არავისთვის მიუნიჭებიათ, რომლის მინიჭებაც მერიის უფლებამოსილებას განეკუთვნება. ასევე მინდა, შევეხო მუნიციპალიტეტში მოქმედ სოციალური დაცვის პროგრამას. ამ სფეროშიც არსებობს გარკვეული ხარვეზები, კერძოდ, მოქალაქეებზე ფაქტობრივად არ იცემა ერთჯერადი ფინანსური დახმარებები. მიმანია, რომ საკრებულომ კიდევ უფრო მეტი კონტროლი და ზედამხედველობა უნდა განახორციელოს, როგორც აღმასრულებელი ორგანოსთვის საქმიანობაზე, ისე საკრებულოს მიერ მიღებულ გადაწყვეტილებათა ჯეროვან შესრულებაზე. ასევე მინდა, შევეხო სახელმწიფოს მიერ განხორციელებულ პოლიტიკას მაღალმთიანი რეგიონების სტატუსის განსაზღვრასთან დაკავშირებით, რომელიც რეგიონული განვითარების პოლიტიკის ნაწილს წარ-

მოადგენს და მიზნად ისახავს მაღალმთიანი რეგიონების სოციალურ-ეკონომიკური პროგრესის სტიმულირებას. ამ მხრივ აღსანიშნავია ის გარემოება, რომ მუნიციპალიტეტის ორგანოების აქტიურობითა და პარლამენტის წევრის, ბაღდათი-ხარკაულის მაჟორიტარი დეპუტატის, ბატონი კობა ლურსმანაშვილის მხარდაჭერით, ხარკაულის მუნიციპალიტეტის სოფლებს: ბუინეცს, ზვარეს, გელსამიასა და ჩრდილს, მათი გეოგრაფიული მდებარეობიდან გამომდინარე, საქართველოს კანონმდებლობით დადგენილი წესით მიენიჭათ მაღალმთიანი დასახლების სტატუსი. უკვე მეორე წელია, საკრებულოსთან ფუნქციონირებს ახალგაზრდული საკრებულო, რომელიც მუნიციპალიტეტში არსებული საჯარო სკოლების მოსწავლეებითა და კომპლექტებულია. ახალგაზრდები ეცნობიან როგორც საკრებულოს მუშაობის ორგანიზაციულ ფორმებს, ასევე პირადი ინიციატივებითა და საკრებულოს წევრთა მხარდაჭერით ახორციელებენ სხვადასხვა აქტივობას. გარდა საქართველოს კანონმდებლობით მონიჭებული და ზუსტად ფორმალიზებული უფლებამოსილებების ფარგლებში გაწეული მუშაობისა, ასევე მინდა წარმოგიდგინოთ მცირე ჩამონათვალი იმ პირადი ინიციატივებისა, რომლებსაც, მართალია, კანონმდებლობა არ მავალდებულებს, მაგრამ განვხორციელებ რეგულარულად მუნიციპალიტეტის მოსახლეობის საერთო ინტერესებიდან გამომდინარე, ისე მათი ყოფითი პრობლემების მოგვარებაში ხელშეწყობის მიზნით. კერძოდ: სოფელ ვაშლეში ანუელა ბარბაქაძის რეასულიანი ოჯახისათვის პირადი სახსრებითა და მეგობრების დახმარებით გავაკეთე ხიდ-ბოგარი; სოფელ საქასრიანში მცხოვრებ ვარვარა ნოზაძეს ჩემი მეგობრების დახმარებით გავუკეთე ეზოში შესასვლელი გზა, რომელიც მთლიანად ჩამოშლილი იყო; პირადი სახსრებით შევიძინე ხიდ-ბოგარის პროექტი სოფელ მატაუბანში მდ. ხელმოსულაზე, რომლითაც ძირითადად სარგებლობს ამირან ბარბაქაძის მრავალშვილიანი ოჯახი; ბორითის თემში მცხოვრები ეკონომიურად ხელმოკლე ხუთი ოჯახი უზრუნველყავი ზამთრისთვის საშუალო მერქნით; საქართველოს საავტომობილო გზების დეპარტამენტში ჩემ მიერ გაგზავნილი წერილის საფუძველზე აღნიშნული დეპარტამენტის მიერ გაკეთებულ იქნა მგზავრთა ორი მოსაცდელი სოფელ უბისაში. ერთი - უბისის მონასტრის ჩასახვევთან, მეორე - „ძინძიბურის“ უბნის დასახლებისათვის; ჩემი და ბაღდათი-ხარკაულის მაჟორიტარი დეპუტატის დახმარებით სოფელ უბისაში „ჭალის“ დასახლების მოსახლეობისათვის აღდგენილ იქნა ორი საცალფეხო ხიდი; ჩემი თაოსნობითა და მეგობრების დახმარებით დაბეჭდილ იქნა საკრებულოს რეგლამენტი, რომლის დაბეჭდვა თვეების განმავლობაში ვერ უზრუნველყო მუნიციპალიტეტის მერიამ; ჯანდაცვის სამინისტროში ჩემ მიერ გაგზავნილ იქნა 18 შუამდგომლობა მატერიალურად ხელმოკლე პირებზე შეჩერებული სოციალური დახმარების აღდგენის მოთხოვნით, საიდანაც დაკმაყოფილდა ორი შუამდგომლობა; ჩემ მიერ საქართველოს საავტომობილო გზების დეპარტამენტში გაგზავნილი მიმართვები მუნიციპალიტეტში გამავალ საავტომობილო გზებზე სოფლების აღმნიშ-





### ხევი-უბისის გზის მონაკვეთის მშენებლობასთან დაკავშირებით მუნიციპალიტეტის მერთან შეხვედრა გაიმართა

ხარაგაულის მუნიციპალიტეტის მერი ნიკოლოზ თოფურიძე ხევი-უბისის მონაკვეთზე (F2 - II სექცია) ავტობანის მშენებლობის მიზნით, ტენდერში გამარჯვებული ჩინური კომპანიის - Hunan Road and Bridge Construction Group -ის მთავარ მენეჯერს ტაი სინაგანგს შეხვდა. შეხვედრაზე მშენებლობის დაწყებამდე მოსამზადებელ სამუშაოებზე ისაუბრეს. ჩინური მხარის განცხადებით, ასეთი მნიშვნელოვანი პროექტის განხორციელების დროს აუცილებელია მჭიდრო კონტაქტი ადგილობრივ ხელისუფლებასთან. მოგესხენებათ, რომ ხევი-უბისის 12,2-კილომეტრიანი მონაკვეთი მთლიანად ხარაგაულის მუნიციპალიტეტის ტერიტორიაზე გაივლის, რაც ოთხზოლიანი გზის საფარის მოწყობას, 35 ახალი ხიდისა და 18 გვირაბის მშენებლობას გულისხმობს. როგორც აღინიშნა, მოსამზადებელი სამუშაოები 3-4 თვე გაგრძელდება, რის შემდეგაც 2019 წლის გაზაფხულზე ავტობანის მშენებლობა დაიწყება. სახელმწიფოებრივ ვადებით მშენებლობა სამ წელიწადში დასრულდება. აქვე უნდა აღინიშნოს, რომ ავტობანის მშენებლობასთან დაკავშირებით აქტიურად ეწყობა საინფორმაციო შეხვედრები მოსახლეობასთან. მიმდინარეობს სასოფლო და არასასოფლო-სამეურნეო მიწების შე-

ფასება, რაზეც ადგილობრივების შეკითხვებს განსახლების სამსახურის წარმომადგენლებთან ერთად, კერძო კომპანიის ექსპერტ-შემფასებელმაც უპასუხა.

მერის ინფორმაციით, მნიშვნელოვანია ქვეყნისთვის ასეთი მასშტაბური პროექტის განხორციელებას ხელი შევეწყობოთ და ეს, არცთუ ისე სასიამოვნო პროცესი, რასაც განსახლება ჰქვია, ორივე მხარისთვის სასარგებლოდ დასრულდეს.



### ხარაგაულის მუნიციპალიტეტის საკრებულოს საერებულოში ახალი ფრაქცია შეიქმნა

ხარაგაულის მუნიციპალიტეტის საკრებულოში ახალი ფრაქცია „ძალა ერთობაშია“ შეიქმნა. ამის შესახებ გადაწყვეტილება დეპუტატებმა 14 დეკემბერს გამართულ საკრებულოს რიგგარეშე სხდომაზე მიიღეს. როგორც იურიდიული, სამანდატო, საპროცედურო საკითხთა და ეთიკის კომისიის თავმჯდომარემ, ოთარ ლურსმანაშვილმა, აღნიშნა, ახალი ფრაქცია დეპუტატებმა „ერთიანი ნაციონალური მოძრაობიდან“ თორნიკე ავალიშვილმა, ქეთევან ზუმბაძემ და „ევროპული საქართველოდან“ დავით მაღალაფერიძემ შექმნეს. ამავე სხდომაზე საკრებულოს წევრებმა ცნობად მიიღეს ფრაქციის თავმჯდომარისა და მოადგილის არჩევის საკითხი. შეგახსენებთ, რომ ახალ ფრაქციას თორნიკე ავალიშვილი უხელმძღვანელებს, მოადგილე კი ქეთევან ზუმბაძე იქნება. ფრაქციის თავმჯდომარის სახელფასო ანაზღაურება 1650 ლარია, ხოლო მოადგილის - 1100 ლარი.

### „ეტალონი“ საშემოგომო ხეზონის შედეგურ კონკურსში საბა ებანოიძემ მესამე ადგილი დაიკავა



018- 2019 სასწავლო წლის „ეტალონი“ საშემოგომო ხეზონის შუალედურ კონკურსს განათლების, მეცნიერების, კულტურისა და სპორტის სამინისტრომ უმასპინძლა. კონკურსში 21 მუნიციპალიტეტის „ეტალონი მოსწავლე“ მონაწილეობდა. საინტერესო და დაძაბულ ინტელექტუალურ შეჯიბრში ხარაგაულის წმინდა ანდრია პირველწოდებულის სახელობის გიმნაზიის მეთავე კლასის მოსწავლემ, საბა ებანოიძემ, 85 ქულა მოიპოვა და მესამე ადგილის მფლობელი გახდა.

პირველ სამ ადგილზე გასულ მოსწავლეებს პროექტის ავტორმა და წამყვანმა გოჩა ტყეშელაშვილმა დიპლომები გადასცა, ხოლო განათლების,

მეცნიერების, კულტურისა და სპორტის სამინისტრომ კომპიუტერული ტექნიკის დახმარებით დააჯილდოვა.

ლონისძიებს „ეტალონი“ ჩართული მუნიციპალიტეტების წარმომადგენლებთან, პედაგოგებთან და მშობლებთან ერთად ხარაგაულის მუნიციპალიტეტის მერი ნიკოლოზ თოფურიძე და საგანმანათლებლო რესურსცენტრის უფროსი მარინე ვეფხვაძე დაესწრნენ. მერმა კონკურსის მონაწილეებს სიტყვით მიმართა და ხარაგაულის „ეტალონი მოსწავლეს“ საბა ებანოიძეს გამარჯვება მიულოცა.

საბა ებანოიძე 2019 წლის 15 ივნისს გამართულ „ეტალონი“ გრანდიოზულ ფინალში მიიღებს მონაწილეობას, რომელიც თბილისში ჩატარდება.

ლელა გუგულაშვილი

### ქალთა მიმართ ძალადობის წინააღმდეგ კამპანიას ხარაგაულიც შეუერთდა

25 წელია, რაც ცივილიზებული მსოფლიო ყოველწლიურად ერთვება საერთაშორისო კამპანიაში „16 აქტიური დღე ქალთა მიმართ ძალადობის წინააღმდეგ“. კამპანიის ფარგლებში, მერის თანაშემწის გენდერულ და არასამთავრობო ორგანიზაციებთან ურთიერთობის საკითხებში, ინგა ბერაძის, ინიციატივით, რამდენიმე აქტივობა მოეწყო ხარაგაულის მუნიციპალიტეტშიც. გაიმართა გენდერული თანასწორობის საბჭოს სხდომა (საბჭოს თავმჯდომარე მანანა ბარბაქაძე), სადაც მოწვეული იყვნენ ა(ა) იპ-ების წარმომადგენლები. შეხვედრაზე დეტალურად იმსჯელეს არის თუ არა შრომით ურთიერთობებში გენდერული თანასწორობა დაცული. ა(ა)იპ-ების ხელმძღვანელებმა ასევე წარმოადგინეს ინფორმაცია, როგორია ბავშვების ჩართულობა წრეების მიხედვით და რომელ სფეროში უფრო მეტია გოგონებისა და ბიჭების ინტერესი. შეხვედრაზე საუბარი შეეხო ქალთა უფლებების დაცვას და მოხდა კონკრეტული მაგალითების განხილვა. აქვე



აღინიშნა, რომ შრომის ბაზარზე ხშირია ყველა ფორმა. ქალთა უფლებების დარღვევა და დაიგარდა ამისა, კამპანიის ფარგლებში მო პოლიტიკური ნიშნით დისკრიმინაციის მოეწყო პერფორმანსი „მოლაპარაკე ფეხ-

საცმელები.“ როგორც ჩვენთან საუბარში ინგა ბერაძე აღნიშნავს, ამ ფორმით შეეცადა, ხმამაღლა მოეთხრო იმ ქალბატონების ისტორია, რომელთა უფლებები დაცული არაა. „შევარჩიეთ პროტოტიპები, რომლებთანაც შეხება გვქონია და ხმამაღლა ვერ საუბრობენ თავიანთ მიძიმე ცხოვრებაზე. თითოეული ქალის ფეხსაცმელი ჰყვება რეალურ ისტორიას. აღსანიშნავია, რომ აქციას ყველაზე მეტი დამთვალიერებელი მამაკაცი ჰყავდა, საინტერესო იყო მათი რეაქციები. სათქმელის ამ ფორმით გამოხატვის მეთოდი დიდი ხანია, გამოიყენება მსოფლიოს სხვადასხვა ქვეყნებში. ჩვენ ვგმობთ ძალადობის ნებისმიერ სახეს. კამპანია დასრულდა, მაგრამ საუბარი, განსჯა და ფიქრი ამ თემაზე კვლავ გრძელდება.“ - განმარტა ინგა ბერაძემ და აქვე მაღლობა გადაუხადა, ა/ო „ქალთა საინფორმაციო ცენტრი“ და კულტურულ - ჰუმანიტარულ ფონდ „სოხუმს“ მხარდაჭერისთვის. ეკა შაშიძე

### სუფთა გარემო ჩვენი ჯანსაღი მომავალია...

ოთხი წელია, რაც კავკასიის გარემოსდაცვითი არასამთავრობო ორგანიზაცია და გარემოსა და ბუნებრივი რესურსების სამინისტრო საჯარო და კერძო სკოლები-სათვის ატარებს კონკურსს „ნიკო კეცხოველის სახელობის სასკოლო პრემიის“ მოსაპოვებლად. 2015 წლიდან დღემდე კონკურსში ათასამდე სკოლა და ასზე მეტი პარტნიორი ორგანიზაცია ჩაერთო. მონაწილე სკოლები მთელი წლის განმავლობაში ერთმანეთს კვლევასა და განვითარების პროგრამების შემუშავებაში ეჯიბრებიან. ეს არის გუნდური მუშაობისა და იდეების განხორციელების ყველაზე მასშტაბური გარემოსდაცვითი კონკურსი. ნიკო კეცხოველის სახელობის სასკოლო პრემიის ძირითადი თემა გარემოს დაცვაა. 2019 წლის პრემიის მოსაპოვებლად კონკურსი უკვე მიმდინარეობს, რომლის მიზანი გარემოსდაცვითი განათლებისა და სამოქალაქო ჩართულობის მხარდაჭერა, ახალგაზრდებსა და ადგილობრივ თემში ცნობიერების ამაღლება, მოსახლეობის ჩართვა ბუნებრივი რესურსების მდგრადი მართვის პრო-

ცესში და ინსტიტუციებს შორის თანამშრომლობის გაძლიერებაა. კონკურსში ხარაგაულის მუნიციპალიტეტიდან რვა საჯარო სკოლა მონაწილეობს. ორი წლის წინ სოფელ ბაზალეთის საჯარო სკოლა ნიკო კეცხოველის სასკოლო პრემიის ფინალისტი გახდა და „მწვანე სკოლის“ წოდება მოიპოვა, ხოლო გასულ წელს საუკეთესო ათეულში მოხვდა. ეკოკლუბის ხელმძღვანელის, თეა ტალახაძის, დაუღალავი შრომის შედეგად, ბაზალეთის სკოლა კვლავ აქტიურად განაგრძობს კონკურსში მონაწილეობას. აქტივობების ერთ-ერთ ყველაზე მიმზიდველ ნაწილს ეკობანაკები წარმოადგენს, სადაც ახალგაზრდები საინტერესოდ ატარებენ დროს მწვანე გარემოში, ესწრებიან საინფორმაციო და სასწავლო კურსებს, დადიან ექსკურსიებზე. ბაზალეთის საჯარო სკოლამ გასულ წელს პრიზად ბულაჩაურის მწვანე ბანაკში დასვენება დაიმსახურა. ნიკო კეცხოველის სასკოლო პრემიის მხარდაჭერა საქართველოს პარლამენტი და განათლების სამინისტ-

რო. მოსწავლეებს ეძლევათ შესაძლებლობა, საკუთარი პროექტები განიხილონ ქალაქის მერთან, პარლამენტის წევრთან და მინისტრთან. რადგან პროექტის ერთ-ერთი მიმართულება ეკოტურიზმია და მნიშვნელოვანია ადგილობრივი ხელისუფლების, სხვადასხვა სამსახურების მხარდაჭერა, იმერეთში პროექტის რეგიონალურმა კოორდინატორმა, მაია კეხევიძემ, საინფორმაციო შინაარსის შეხვედრა გამართა ხარაგაულის ა(ა)იპ „სპორტისა და შიდა ტურიზმის ცენტრის“ წარმომადგენლებთან. ქალბატონმა მაიამ მათ გააცნო პროექტის მნიშვნელობა და შესთავაზა საინტერესო აქტივობების დაგეგმვა პროექტში ჩართული სკოლებისთვის. ეს ერთობლივი აქტივობები მნიშვნელოვნად შეუწყობს ხელს ეკოკლუბების საქმიანობას. გრიგოლ ჭიპაშვილმა მზადყოფნა გამოთქვა, დახმარება გაუწიოს პროექტში მონაწილე სკოლებს და საინტერესო და სასარგებლო ღონისძიებები მათთან ერთად განახორციელოს. ლელა გუგულაშვილი